

小羅浮山館詩卷十二

錢塘吳昇秋漁

辛未元旦

五更車馬已喧闐有客關門破曉眠
大可舉家圍火不須隨例遞名箋
吉祥也寫宜春帖百十猶存押歲錢
官樣已除家禮在後堂冠服尙迎年

特將軍輓詞

門第崔盧貴班行衛霍齊
雄名孫破虜雅度祭征西
乍落星如斗長畱氣吐霓
銘旌高百尺萬目看新題
善騎腰如鍊加餐矢不遺
病來難恃健數盡不關醫
廡下

小羅浮山館詩卷十二

頻年住牀隅一面遲相看已無語握手但長噫

多少無從涕淒涼灑朔風謝權偏愛少懷德衆情同附載
餘狂客邵友四明人扶藜走病翁余及晴湖飄飄旗尾白雲黯

蜀江東

喜楊蓉裳農部至

當代何人許論詩相逢偏到白頭時
玉門遠吏思歸早錦帳清郎乞外遲
錦帳郎見白傳萬卷忽移司馬局
一鞭來訪少陵祠雲亭宛在邨筒熟傳語邦人好問奇

玉谿而後又斯人制誥文章奕世新
海水奇能呈五色天葩穠欲閨三春
王盧畢竟齊名誤元白曾教失色頻
冰雪

軋平聲音辛無反韻皆重

重編刪錦瑟

出示重刻芙蓉山館詩鈔

謝他箋注詡功臣

雨中

蒼鷓踞黑雲十日雨不止昨晚忽放晴初蟾照書几就臥
雷殷殷頃刻電光駛依然勢翻盆達旦猶未已天公憐病
軀盛暑非所喜故令澤滂沱洗濯到骨髓團扇早棄捐浴
具不須理轉眴卽秋陽炎官威漸弛所恨足蹒跚往往折
屐齒盤旋泥淖中竟作負塗豕頗聞菱芡豐壓擔入晚市
又聞水中雞肥美敵河鯉栝盤咄嗟辦絕勝飽菊杞笑彼
陶暑飲取快安得此

水入室

小羅澤山館詩鈔卷三

二

水入室羣喧呼夜半殘火光模糊水聲瀟瀟勢若趨徑穿
西壁循東隅我非安禪到無我那得闕室清水如只疑滄
浪果在眼葛屨頓化波閒鳧一奴赤腳持大帚欲掃泥潦
歸前除一奴竈下取長杵欲瀟水路通階渠吾將濯足急
止之牀隅穩坐垂雙趺關門清夢遊江湖

寄秋農

時在茂州

天涯垂垂各衰老相對開軒苦不早飛沙關外少行人應
憶梓州風景好書來問我病何如我卻愁君病未除纔拋
藥裹登程去又傍江礫結屋居大書滄耳駟魔擾蒼白稞
青供一飽瘴鄉晏起避嵐蒸蠻語粗通熟山獠笑我空爲

萬里行十年長住錦官城
乾枯竟作蝸粘壁束縛真如弓
受檄比來暑雨憎煩熱汗出如漿昏未歇
輸君兩鄰得隨身六月披裘看晴雪

用來書語

久雨

沃野多上腴地煖百物早
六月刈早禾八月收晚稻
今茲逢閏年秋半各堅好
家家理篝車日日歎霖潦
我無田論雙亦復心如擣
萬里病不歸米賤糞一飽
舍此有何貪乃向荒徼老
二氣互颯颯雨勢當自了
天意恐傷農貧者所見小

時穀貴

呼童斫生柴取辦三白晶
饑螿聞飯香引類出深窵
餘粒戴而走几側乍犇擾
爲問貧村中炊煙有多少

小雅山館詩卷三

三

平生性惡溼位置得卑闇
淫霖復兼旬厭聽耳欲掩
睨目蛙當門負殼蝸上檻
敗黦及衣裳惡臭發枕簟
晨興事掃除四壁可刮讎
禿管日頻拈越宿已汗黦
我非楊道士蒸鬱日浸漸
膨脝腹疾增躑躅足力減
昌陽與豕零兼療姑用險
長風招不來雲氣尙黦黦
得意惟老苔顏色綠於染
喜聞斷屠酤除地事禳祲
開晴會有期卜築徙厓隰

次沈少雲成都詠古原韻

漢相旌旗玉壘高
南征北伐總忘勞
天心已合龍歸蜀
夢兆偏遲馬食曹
閭統容姦闖禹鼎
大江流恨接胥濤
煌煌二表參伊訓
不似孤忠託楚騷

諸葛武侯

萬里橋西卜宅偏，儒餐粗糲了殘年。大夫欲殺狂爲累，野老能詩筆有權。千古江山畱破屋，一生涕淚對啼鶻。姓名直誤編文苑，閒道麻屨事慘然。杜文貞公

再次前韻

隆中臥起將星高，受顧寧辭簿勞陣上風雲猶護蜀。眼中巾幗久無曹，石琴古瑟蘊神筆。銅鼓荒江震怒濤，魚水君臣同廟食。漫憑祠樹寫牢騷。

陳濤論救誤情偏，一疏吞聲二十年。太息蛾眉移國柄，喜聞龍種授兵權。北邙戰骨愁新鬼，南內宮花泣夜鶻。驅瘧句多人太瘦，更瞻遺像一悽然。山館舊奉石刻遺像

小羅山館詩卷三

四

和少雲續得詠古詩四首

奮筆題橋敢自誇，果然擁節到三巴。功名狗監成奇遇，譽望龍門是一家。寡女關琴今艷曲，貨郎賣賦古才華。遺書終媿林君復，死後東封走屬車。司馬長卿

承明待詔得佳除，才似相如吃亦如。垂白有誰憐，久次守元從不計家儲。桐花酒榼空亭在，奇字深文覆甌餘。可惜嶠陽好田宅，卻畱天祿校官書。楊子雲

匡山拋卻讀書牀，戲逐人閒放酒狂。比燕竟逢妃子怒，騎驢空遣縣官忙。世無窮相爲供奉，眼看仙才又夜郎。畱得宮袍遊采石，并州幸識郭汾陽。李青蓮

兩廟儲才繼范韓得賢容易任賢難還朝空墮孤臣涕草
制仍尋拘相歡曠代人文歸黨籍百年春夢了祠官傷心
詩酒逃禪日但作風流學士看

蘇文忠公

蔬食齋盃飲

今夕何夕八簋陳不速之客來三人喜無官書掛兩眼相
約痛飲傾芳罇此時豪情無可擬興到欲籥青霄雲高棲
上隸有巢氏淡交平揖無懷民東西兩頭左右角雙睫相
望眈眈分薨薨一聚嚼復嚼酒德不孤必有鄰憶昔移家
住酒國糟邱樹幟雄吾軍不知醉死要埋我肯待澆灌爲
窮賓于今老作退飛鴟但與藥盃茶鑪親萬事不如久不

少羅澤山館詩鈔卷三

五

恥枯中之物安足論可憐意氣已垂盡只賸瘦骨撐峻岫
療饑尙覓鷄鶩食逐隊竟附鸚鵡臺高堂華譙沸百戲病
鶴起舞籠中馴不嫌焦爛列上座終笑束縛成枯薪何如
此會最眞率破除俗例芟餘文主人不肅客不謝飯飽徑
去無遑巡狂生例不禁夜出抱柝老兵猶候門醉鄉漸遠
夜街靜踏月歸臥梅花村

少雲暨孫貞堂觀察陳雲颿參軍見和復次前韻

磨牛故步跡內陳歎我再到成陳人天風吹水海洋合宛
雜醪耐投一罇東陽太邱兩雋彥上下追逐龍與雲興公
遂初賦十載昔之僚更今部民大羅旣張秀不匿南涯北

涯何所分三軍已具旗鼓勢益我新佐爲四鄰平安日問
老書記嫺隅自醜蠻參軍散材拙掇到洩勃殊禮踧踖儕
師賓同遊難得同臭味他鄉異縣情彌親不著一字指此
口偶得古鏤爭評論微吟未定屬而和三峰照眼青嶙峋
風蟬逸韻失蛎唱霜隼健翮空鴉羣此閒本是詩酒地牲
牲鹿友邱樊馴蕭齋曠已換華構撓棟強半供炊薪贖此
滄波一撮土題痕聖盡餘苔文老樹移根舊燕去感鸞空
作空檐巡酒徒終許買鄰住商畧種菜長關門得閒請復
溫近局醉路我熟三家村

蔬食齋爲子寓廬舊址寓此
者凡三人時日爲三家村

少雲葺洗六齋置酒招飲復用前韻

少羅浮山館詩卷上

六

行窩新補几榻陳穩臥巖壑欽崎人圖書而外復何物大
觥小觥疊與罇先生機山一樵者乘醉飛出雲閒雲萬里
西來走巴蜀臨邛有酒無富民才人末路奚所托一視儒
墨無區分周妻何肉了無礙不結黃面瞿曇鄰自言我生
酒爲命獨酌無偶如孤軍每以米汁奉我佛肯匿東壁辭
吾賓公榮亦可共栝杓終勝寂與鐘魚親醉中擣舌作禪
語我頑如石何所論返尋眞性久迷失乍躡峻隕愁嶙峋
羨君益背復皤腹愧我鶴瘠隨雞羣萬緣生滅祇自苦六
賊攻擾何時馴本來無病枉求藥著處見火忘傳薪鈍根
今茲更厄閏欲誦梵筴難其文不如逃名香火社不瓶不

盃千巡豈惟壘塊頓消盡空想并可空空門天涯歸去
草庵在破衲丐酒山中村

用坡公寒碧軒韻爲雲颿題畫扇

視聲遠出松閒屏中座一客書四圍不農乃志上士祿將
母尙著山人衣酒狂仰屋天地窄書意落紙煙雲飛問君
何以充食料數枝去聲寒綠霜中肥

書存楷詩稿後

直言詩是吾家事富體平稱恐未然此竈易教兒輩跨對
牀難得弟兄眠弟秋農秋圃及次子振棣皆能詩時俱散走南北幸收餘燼充亡
篋總爲虛車損福田若問吟聲何處似小長蘆畔六峰連

小羅浮山館詩鈔卷三

七

朱稼翁有
六峰閣詩

題沈學士麒麟圖

明永樂中葛榜刺國貢麒麟命學士沈度寫其像
度作圖繫頌表進此其副本也壬申歲其十四世
孫觀成得之陳梅亭司馬處蓋四百餘年舊物矣

般般之獸聖且仁應時乃見其德尊在郊在圃古僅見後
代紀瑞何紛紛文皇御宇十二載威震絕域咸稱臣無端
靈物亦充貢遠致直與犀獅倫猙獰蠻隸繫之獻馬蹄牛
尾而麝身巍然屹立玉階下神采華貴容儀馴始知骨相
自超異近世圖寫亡其真帝曰咨度汝作會昭此隆軌貽

後昆度拜稽首謹受命。下筆瑞氣含清醇。自定及趾肖厥象。既炳且蔚宣其文。畫成作頌述功德。體備二雅辭三墳。歲維甲午月在戌。衰池表進光璘斌。璠籤錦贖倏灰燼。粉本尙向人閒存。流傳已閱四百載。手澤今復歸神孫。殊方萬里逢故物。判合定數誰能論。寶爲世守永勿替。我幸得見徵前聞。方今

昌運邁邃古。不言符瑞諸福臻。麟遊一任日來往。安用采

筆求形神。世人但見俗工畫。大尾歧角蒼虬鱗。願摹萬本

懸市上。共識天上真麒麟。考五雜俎云永樂中獲一麟命見之身全似鹿但頸長三四尺與今俗所畫迥不類據此則與圖合特未詳麟所自來且不言圖爲學士所作豈此

幘之外更有他本耶

題沈少雲戴笠圖

天形如笠覆九州。先生一笠萬里遊。茅蒲莫謂戴天小。圓轉欲逐星躔周。儒冠未裂恐遭溺游具。翻向東菑謀絕纒。大笑出門去。彼都人士真吾儔。峩峩星弁呵行騶。影纓翠羽乘飛輜。元纁載筐造廬謁。摸索漫刺聊一投。逢衣淺帶岸然入汗走。行夷僵應劉舍車之義。用蓬累在蠶上九。輕王侯。有時投幘抵帽不肯住。有時脫巾露頂歡綢繆洗頭。蹲華頂散髮臨滄洲。倒載習池上布席。龍山頭南尋蒼梧。北孤竹西入秦隴。東閩甌黔山洱海。復桂嶺蠻花。犵烏供

吟謳興闌胡不賦歸去自言蜀中山水尙未囊中收更攜
此笠向西走要使三峽秀色迎雙眸騎驢徑度劍門
道鼓柂先泝花溪流雲安酒賤大可戀錦里角巾姑小休
我耳雄名二十載白首相遇經三秋魏冠空見入市賣局
促仍作籠頭牛旣無荷者爲爾牧未見饑者歌伊糾新裁
誤疑靈運愛舊樣欲仿髯蘓畱長歌當哭手寫曩時句展
圖快讀但覺風吹帽屋鳴颼颼吁嗟乎乘車戴笠等閒事
遇與不遇如浮漚彈之待薦鄙已甚漉畢復著夫何羞一
生汗漫已如許老尙襤褸也將安求不如約我辦漁具
添買蓑衣上釣舟

小羅浮山館詩卷三

九

寓園諸花盛開口占

門掩深蕪徑掩苔春風忽送錦成堆多情只有司花女如
此荒園爛漫開

閒門寂靜結行窩十載駒光一擲梭莫道與花緣分淺算
來香國住時多卜此宅已十載花時海棠最盛

亭虛不礙橫枝入牕暗微嫌密葉攢可惜開紅成陣處卻
分一半讓人看割所居之半爲人寄柄

一度花飛一度春眼看小樹漸輪囷料因修得看花福非
隱非官老此身

舞草作花戲作

一曲山香蝶亂飛。林梢紅雨日霏霏。貧家卻有閒風月，捲上牕簾試舞衣。

爲張晴湖刺史題照

張官涪州

政成未許遂懸車，爭看銜芝石上魚。廉吏歸裝先準備，陸居無水且舟居。

年年清夢落江湖，舊事慵看叱馭圖。何日漁竿纔入手，秋風吹老季鷹鱸。

○書應地山馬節婦傳後

霜風瑟拉夜將半，挑燈起讀節婦傳。傳中字字淚染成，能寫苦節惟阿兄。阿兄爲妹擇佳婿，祝妹白頭偕百歲。妹勤

小羅山館詩鈔卷三

十

婦職淑且賢，堂上病姑愛且憐。哀哉纔五月，姑亡夫又歿。外無強近親，家徒四壁立。歸依兄嫂，母命之十有一載。甘饘醢古井水，竭松萎枝一笑撒手歸。瑤池無兒，但有阿兄哭。勸兄莫哀妹，頗樂重泉復見姑。與夫雖死猶生死，不惡晚飯偶成。

看盡飛花餞一卮，山厨斜日飯香時。已知熟客到門少，每怪諸孫下學遲。殘缺齒猶參玉版，生疏手自膾銀絲。櫻紅豆綠登盤好，不是鄉園醉亦宜。

題瞿四明府菊亭譜曲圖

絕好秋光絕妙詞，墨花飛灑到東籬。琴中有趣須畱譜，不

學淵明但賦詩

簷上秋霜試古屏春風人面向旗亭紛紛絲管逢君處添

箇彭宣隔座聽

時先生講學錦城

捧檄之臨邛有感

時癸酉季冬月

朝衫印匣乍搜尋老婦無媒詫委禽倦鳥歸林空有願孤

雲出岫總無心薰顏不借新沽酒守素仍攜未賣琴聞說

王孫貧似我拊循何術慰蒼黔

邛涪饑前牧勸賑無應者

豆苗短

豆苗短豆葉肥豆花猶未開豆熟更何時三日不食何以

療我饑城中開倉糶官穀無錢買穀領官粥近鄉奔走脛

無肉遠鄉羸瘠歎裹足且摘豆葉煮作糜飽呷亦可一日

支雖硬我咽刺我頤終勝草根與木皮門前竚望歎且泣

年年此田摘豆莢今年但食苗與葉苗與葉不再生空田

十賣九不成饑腸雖半飽薄稅將何營聞說人饑馬亦瘦

官書赤緊馬不走廐卒下鄉催棧豆

六十自嘲

六十自嘲

三冬九夏四春秋六十光陰似水流宦轍不曾畱兩載虛

名空自動諸侯一帆風順慚兒輩

年五十時大兒秋試獲售今年二兒試進士並

捷百尺枝高媿侶儔雙管未拋雙鬢禿八千里外少歸舟

移梓州

時甲戌十月

牛頭亭子近如何。袞袞青山未得過。

時以事不赴郡

曾說靈峯常

駐鶴靈峯雲臺茶堵諸勝境皆有仙蹟

喜聞瘠土竟宜禾

沈研怡宰三臺引涪江水灌田

此邦樂國人爭羨。半世權官夢最多。

歷資縣邛州而益以梓

何日

蘇泉容手汲。鄴江添我學東坡。

渡平羌江

時乙亥三月

十五年前喚渡人。江聲如舊鬢霜新。戎衣老去還重著。我

欲臨流學問津。

過大相嶺

朝發嶺下暮宿嶺頭。千盤百折征夫愁。爾莫愁。昔武鄉侯

徂征蠻酋。爰次爰宿道阻且修。敕乃甲冑。礪乃戈矛。及爾

小羅浮山館詩卷三

七

偕往與子同仇。三寸柔翰卅年敝裘。疲羸鈍僕休復休。日

月流水流身世。浮雲浮去去且逐遊魚遊。予髮種種將焉

求。

過清谿縣值大風

雅州雨。黎州風。所聞所見將母同。昔宰雅安日。簷溜終日

流淲淲。今來清谿縣。

古黎州地

晴光和霽春融。正疑古諺難

盡信。陡覺排山倒海大號宣。豐隆長林掀舞帚。倒掃飄瓦

旋轉鷗翻空。搖臆撼屋輓兩膝。土塵簸石謎雙瞳。封家阿

姨弄狡獪。吳二鼓扇矜其雄。此閒距海萬里計。何來颶母

雲童童。或是山妖求食逞氣燄。得非餓虎狂嘯驚羣聾。詢

之土人云自古洞出洞中窈然深黑神靈通我言大地噫
氣有吐納此洞當是戾氣之所鍾胡不武士擔土塞其隧
胡不移之海外憑愚公便來故人去風漢庶徵時若無狂
蒙冷然善也清且惠汎蘭轉蕙飄花叢
聖人之治八方應君子之德庶民從在東解凍南解愠民
不夭札農田豐

道中求食不得

後車逐逐伴鳴騶野店蕭蕭傍驛樓問訊甕人亡洎肉搜
尋行篋得乾餼前途喜有大烹壩地屬西鑪宿食空憐冷飯溝
在清谿城外山裏難逢有山氏且餐秀色飽雙眸

小羅浮山館詩卷三

三

宿山腳坪寺樓

百尺僧樓借一椽倦抽長劍倚遙天香旒滿鉢求村外綠
雪盈甌進雨前盡拓山牕呼月上好安客枕抱雲眠中宵
若有軍書過捷羽聲還聒耳邊

過飛越嶺

西塞巖關壓萬碁飄飄紅旆轉山腰人從鳥道深林見路
接魚通古戍遙撲地嬾雲飛不起背陰殘雪凍難消勞勞
暫作隨車客贈策何人是繞朝

宿山店

陡覺千峯暗頻將百尺催蜀中山行筍輿用緯風多常誤雨灘近不

聞雷歇馬依牛櫪行。酤借瓦罍猶餘春色在。牆角墮殘椽。

冷磧

地屬冷邊土司

晴靄浮嵐擁翠巒。巒春風送煖到林端。征裘脫卻猶揮汗。冷磧居然有熱官。

頭道水觀瀑布同李松雲先生次壁閒孫補山相國

惠瑤圃尙書倡和韻

誰從坤軸捩靈機。寒玉琤琤過鳥稀。萬斛珠明天夜白。半山虹挂雪晴飛。懸流直下傾蕃海。怒響橫奔撼礪扉。倦眼乍開成小憩。水晶簾底坐添衣。

梯度層岡日幾重。銀潢看瀉最高峯。鶯花驛館停征騎。風

小羅浮山館詩卷五

十四

雨荒山起臥龍奮。地靈源歎石隨行。空奇氣盪塵胸摩挲

詩版危亭上拊掌。人來一笑逢

二公皆松雲先生舊友

粵青山筵偶成

破研殘毫塞上遊。巒渠官舍斲勾畱。無多屋宇蝸雙角。不辨僧番貉一邱。敢說歌鐘嘉五利。何時敝屣遂三休。淋浪

墨瀋成陳迹。可是籌邊第二樓。

額爲補山相國所題。蓋征廓番時駐節於此。

將軍山

武侯南征命郭達造箭於此。今鑑存洞中有神羊守護之。

懸厓古洞莽風雲。隱現神羊護戰氛。密叢斗量都作傳。不

曾搜到郭將軍

鑪城雜詠

曲曲山城抱水斜。凍雲堆裏度年華。可憐已過黃梅節。一本迎春始放花。

廉纖夜雨灑空庭。曉看諸峯盡玉屏。何處東風偏著意。埋

經冢上草青青。小塚壘嶺云是埋經處

絕域惟應象教通。番僧善咒術原工。禁霜禁雹誇神技。難

禁晡時吼地風。午後風作無日不然

亂石周遭似短隄。架來板閣小於籬。牆頭盡日風烏轉。獵

獵嘛咄五色旗。凡鍋莊皆以石片疊牆列五色幡名曰嘛咄旗旗上皆梵文云隨風吹轉卽如念誦

謂之轉經嘛咄讀如麻迷

全身瓊裹認緇徒。不著袈裟不袴襦。一隊法螺千棒鼓。滿

唇腥血唱南無。疾不知醫亦無婚喪禮但延喇嘛誦經擊鼓吹螺終朝聒耳

蛇蚓行行落紙輕。管城無地著毛生。看他得意橫行處。腕

底如聞郭索聲。夷人削竹尖爲筆字皆橫行自左而右

一握山茶一撮鹽。市中交易日喧闐。青蚨白鏹都無用。可

是蠻兒不愛錢。番俗多以鹽茶煙布交易其用錢者特漢民

蠻粧也是逞妖嬈。窄袖東波彩扇嬌。辮髮雙盤雲壓頂。花

裙百摺錦圍腰。番女外衣名東波

粲粲西人貨客妻。邛茶雅茗品高低。啾嘈蠻語渾難解。怪

殺司晨是牝雞。買人貨蠻女爲婦令主交易

打卦工巴日幾回。蠻兒蠻女兩無猜。一瓶新釀青稞酒。看

送猩紅哈達來蠻人呼道士為工巴以幅帛代名

偶成

地勢城三面鑪城無西門人煙岸兩傍家家山壓屋處處石為

牆不見催租吏偏成選佛場地無賦稅僧俗參半淒風兼冷雨無日

不重陽

國以麓牛紀山疑大象連俗呼相嶺為象嶺有大象小象之分食惟儲酪茗

衣不外裘氍樓上成平地蠻家大宅曰鍋莊疊屋三四層以至上者為正室皆自屋外梯

登樓外架版築土如平地牕中見小天誦絃都絕響鎮日鼓淵淵

西域雜詠

穆公山畔路縱橫好紀西陲第一程迴首斷雲殘雪外蒼

小羅浮山館詩卷三

夫

蒼片月掛邊城

煖氣浮浮涌翠微四山如甌沸珠璣消除駿豚尋常事能

否分溫上鐵衣執水塘

濯濯荒坡深復深疲驢旋折度煙岑晚來空棧無賢藪草

屑茅根雪底尋蠻地不毛艱於芻秣

海子山根有廢墟酪漿瓠椀饋穹廬明晨尋食須遊發今

日峯腰見雪驢山根子地名大雪則山上有雪驢出

霹靂弦開礮石鳴山魑出穴老龍驚風雲變色通呼吸莫

遣羸官喝道行海子山積雪不消土馬銜枚而過否則風雪驟至或至傷人

雪花如席復如拳沒馬埋人事偶然聞道前山寒更重半

空飛舞擲冰

大蓋雪山雨冰如輒益卷類也

金鷺玉燕景全非

喑喑啞啞聽亦稀。點綴窮荒成畫本。一

羣黃鴨隔林飛

梅子山有黃鴨見則風雪旋至

萬山寂寂動霜鼙。歇馬來尋廢堠。栖

鵑人立向風啼

蠻家天葬以遺骸飼禽鳥鵬有大如人者

蠻皆稀疏天葬少。餓

劍冷衣單日暮時

沙黃月黑北風嘶。迢迢卅里松林路。何

處羌兒奪馬騎

松林口多夾壩

汎汎皮船水面鳧。葦杭杯渡共叩須。南山射獵多犀兕。不

信千金買一壺

蠻中無舟楫以皮船拽渡

破屋傾欹架澗阿。牆根斜倚候人戈。老兵只約韓婆醉。蠻

犬猱獐煖一窩

戍地皆絕荒涼

語冰知雪論非誣。五月披裘舊釣徒。短句閒賡添夏課。不

須重展北風圖

○聞雷口占

長風如吼入城來

滿眼頑雲撥不開。山下雷聲山上雪。是

冬是夏竟難猜

○營中卽事疊前觀瀑布韻

投机眞藏掣電機

和戎人似魏莊稀。礮車爭看紅雲起。箭

羽先隨白雪飛

牛酒壓肩齎毳幕。壺漿捫乳出荆扉。降旗

任爾沿江插縛鏡

終須製赭衣

小羅浮山館詩鈔卷五

七

被練三千笑楚重

時製綿甲

偏師潛度藏多峯八無人處空盤

鵲浮過江來未得龍籌唱石礪喧沸耳

芻糧運營卽在賊岩時積

印收

銅篆重懸胸

瞻會敗走獲其印信

如何帶水玻璃碧

江有玻璃橋已拆毀

但遣

前駟隔岸逢

聞捷疊前韻誌喜竝和李松雲觀察

銜枚宵度授戎機燧象功成一炬稀危幕有巢同卵覆專

車無骨已灰飛魚門共認趨風肯

冠以賊寇者

免窟空畱數闔

扉太息螿弧登堞處千秋毅魄證傳衣

打箭鑪以蜀將郭達得名是役也都

司郭成先登遇害

蚩尤掃盡霧重重尙見餘糧聚作峯款塞駒支爭捕鹿

諸番

小羅浮山館詩鈔卷三

大

遣烏拉輓饋並派土兵隨勦

度關仙吏果猶龍元戎小試經綸手諸將

同銷芥蒂胸聞喜一杯先飲至交綏又與酒兵逢

秋農書來疊韻寄答

無懷何用設虞機老健渾忘七十稀蠻語一春鷓鴣少邊

城六月柳花飛連陰卻喜雲埋屋陡漲深愁水浸扉好促

宵燈理刀尺菱荷香裏寄寒衣

冰牀不下繭猶重坐看頑雲起怒峯賸有苦吟驕凍蚓恨

無甜睡豢癡龍蒲團結夏清無慮紈扇悲秋澹此胸嬾向

行閒尋舊侶紛紛車笠道旁逢

五疊韻送松雲觀察之角蛟軍營

遠畧能諳廿四機
文星移入塞垣稀
壯心伏櫪猶千里
健

翮摩霄此一飛
荒服肯教畱百雉
議析地以勇夫何用設

重屏議嚴捕夾壩以輯邊圍
橐韃未得隨驂乘
慚愧韓刀代繡衣命權

綜轉輸事

聞有封章達

九重燕然姓氏勒
高峯早知入市無
真虎自信臨淵有
智

龍合燼望風披怯
膽張弧遇雨釋疑
胸時議撤兵未決遄歸擬製

簫鏡譜強韻偏愁
競病逢

鑪地風高土寒無
濕生化生之物戲
疊前韻破悶

右角為蠻息化機
蛇醫鼠婦到來稀
朝衙不見蜂腰折
晚

小羅浮山館詩鈔卷三

九

市難逢豹脚飛兩
部有聲喧節鼓一
輪畱影照山屏
瓮天

且結蜘蛛隱愁話
空捫未澣衣

螳臂彎弓徹幾重
薨薨扇醜聚高峯
蠅難亂聽逢倅虎
螢

自韜光避燭龍花
賊不來春滿眼勇
蟲猶鬪怒填胸何
如

壁鏡同占喜人在
槐安國裏逢

七叠韻用前詩體紀事

暗蠹難防肖事機
蟲沙化到射工稀
狡如蠶蚤尋虛匿
癡

比燈蛾撲燄飛倒
跂果能翻壁壘長
踣何事網門屏料
量

百足能僵否掘穴
先搜楚楚衣

蝮隸騰賤四譯重
蜣丸那許疊成峯
竈雞善躍原非馬
瓮

蜴空鞭不替龍廉蚓泥蟠聲徹耳枯蟬書老味餘胸燭煩
欲買青林樂可奈蠻音土鷓逢

師還八疊韻

王旅如霆扶地機捷書頻奏簡書稀塞花古堠人煙靜邊
柳秋風旆影飛漢界漫鎔銅作柱蠻酋空壘石爲扉關心
尙有遲歸客莫待新霜上耳衣

時秋槎弟
滯留塞外

樽桑弓影過重重四扇關門萬疊峯解甲人皆輕似鳥歸
鞍馬亦健於龍盡舒柳陌驚春眼一洗沙場醉臥胸拚得
鏽痕生舊鎧不教火伴荷戈逢

之戎州

時乙亥
九月

小羅浮山館詩鈔卷上

三

昔聞蜀江險呼吸判生死入蜀二十年舟楫拋未理戎州
治川南紀程已千里買舟小試之命僕戒行李秋深江水
落灘勢怒稍弭下灘駛平流堤岸亦迤邐開篷看山色風
景劇清美雖無櫂歌聲絕與吳船似舟子爲余言嘉眉無
惡水險灘本林立在彼不在此惡境始巴夔象馬尙難擬
所見非所聞勿以邇言鄙嗟我臨淵心惴惴常自矢宦海
何津涯無風浪亦起出入坎窞中老膽怯如紙豈獨涉波
濤坦道當慎履

題秋農照

霜螯出斲酒盈卮臥犢門前曬稻時如許秋光空入畫黃

花應笑客歸遲

寄跡煙波興太狂無魚無酒已斜陽不如拋卻漁舟去請
學爲農住此鄉

湖干不少閒田地依樣茆茨縛幾閒便掃籬根添一座銜
杯同看屋頭山

答秋農舟次寄詩

時赴于湖

老去難爲別相思倍昔年新詩非漫與衰狀各相憐浩浩
長江水飄飄下瀨船南風晴色好到及探梅前

小羅浮山館詩鈔卷三

三

小羅浮山館詩鈔卷十三

錢塘吳昇秋漁

松雲觀察甫涖建南旋奉

命廉訪三吳瀕行出

舊圖屬題

鶴影琴聲五載同及身竟得侍文翁纔看持斧清嚴道又
聽宣綸出閣中

平泉許到舊池臺

舊圖在吳下

花木成林記手栽同是一方明

月好

即圖中景

清光卻照使車來

天邊行雨雲無定卷裏尋詩月可呼神興不殊鬚髯改重

遊應寫第三圖

所題係第二圖

小羅浮山館詩鈔卷三

補禽言

演禽言者夥矣有前人所遺者戲補之

悔悔降辱莫辱兮行酒執蓋悲莫悲兮銜璧牽羊不如國

存與存亡與亡火死非强水死非殤悔悔降

蜀中三四月有鳥哀鳴土

人曰是名悔悔降因其鳴聲相似也五更時聲尤慘

得過且過莫笑懶惰耐過五更霜日色九州大狂走不如

安坐愁眠不如穩臥今日休憂明日餓得過且過

號寒蟲舊云在

五臺山今山行聞鳥聲頗相似

莫損花一折失全樹再折成枯樞花開花謝能幾日風風

雨雨天之涯青苔滿地胡蝶散美人黃土空咨嗟莫損花

戒菴漫筆謂九華山有惜春鳥其聲如是
鳥獸續考則云青城峩眉間往往有之

克丁當夜未央何人授此不死方仙人已不死此藥更付

何人嘗塵海下視煙茫茫山空月落露水白星斗微射樹

罅光夜未央克丁當

搗藥鳥也春夏之交
月夜獨鳴於巖谷間

佛現了在雲表神光五召聖燈小大衆歡喜莫煩惱卽心

卽佛卽菩薩眼底光明由意造施主發心菩薩來到施主

布施菩薩去了

佛現鳥見峩眉志陸深蜀都雜抄云鳥
聲若言佛現了又載有施主發心四語

夜雨

支枕聽檐滴漸漸有聲五更燈老境三月雨濃情肥綠
愁迷蝶酣紅定醉鶯曉來須踏濕芳潤徧柴荆

小羅浮山館詩鈔卷三

二

題陳雲颿讀來世書齋圖

書生作吏還讀書終日抱膝聲伊吾旁人大笑此老迂不
聞計吏升通儒萬事無如開卷好斯意難爲外人道但言
今世讀已遲用備來生此腹飽嗚呼百年擾擾會幾時安
暇預作來世之書癡眼前得失卻忘我來生受用知爲誰
我思達人必不持此論清言聊解十年恨宿根慧業事或
然仕不廢學於理近去來今只一彈指此齋此圖寓言耳
我笑君身似白魚一生長住書堆裏

入夏

炎曦纔挂樹頭鉦便試新蟬第一聲儂自曬書人曬麥只

愁天雨不愁晴

葛巾蕉扇椽絲帚入夏常嫌兩手忙幸是年來腰尙健不扶柳栗過頭長

水蟲生後魚常飽園果成時鳥不饑食料尋常隨處足不緣酒債典春衣

夏晚

椽亭苔砌小徘徊欲喚長風送月來暗裏忽驚香刺鼻石闌磁斗晚花開

噴壺倒瀉萬珠跳竹筧分泉向夕澆一陣踈踈驚入耳誤疑飛雨灑芭蕉

夏夜

少年常苦冬夜短開眼晨熹滿堂室老來翻恠夏夜長酣睡覺來窗黑漆此時大可入混沌見見聞聞都寂滅誰知不夢轉多因如繭抽絲緒不絕兒日嬉遊輒上心客前忘典都能說暗書畫肚誤逃蚤索垢摩肌疑得蝨長枕移涼拭汗痕短蠅蠕動尋饑穴虛筐膾果學猿偷老婦搥牀驚鼠竊竟日奔忙半夜閒四十五宵爲一月聽他三萬六千呼黑路一條方砣砣

園菊盛開醉花下作

閒園久蕭瑟蜂蝶忽喧鬧百種羅秋英凡物聚所好開尊

向籬根飲伴喜徑造一杯酌花神一杯還自勞次乃及衆
賓譁然起相誚舉杯前致辭禮飲主人導良會當策勲上
賞不可冒酬此終歲勤須引三爵醕戶小忌急觴醉頰紅
似燒涼風吹庭隅坐久燭花爆我醉客興豪拒潑恣酣叫
戰拇各飛觥濡首乍落帽黃花淡無言合座哄一笑

自嘲

癡莫癡。治生百事都不知。僦居隙地僅盈咫。翻泥掘溝成
兩畦。種菜肥可茹。種瓜甘如飴。不蔬不果執此百本菊。云
是羅舍之宅陶公籬。拖我穿角履。着我短袖衣。長鑷小剪
手自持。老腰彎環苦欲折。蠢奴旁睨相嘲嗤。門前有客拒
勿納。謙從促召以故辭。晴雨無間朝夕斯。治生百事都不
知。癡莫癡。

癡莫癡。老不歸去將奚爲。年年住錦里。歲歲抱空枝。好花
不向故園看。好種反向南。中移秋風瑟瑟花。滿籬良朋三
五來。尋詩啼饑索飯且莫顧。抱衣倚酒斟酌之花。滿把酒
滿卮。客去獨飲還長思。人生能得幾重九。南山待我湖之
湄。老不歸去將奚爲。癡莫癡。

得秋農書卻寄

湯說重逢易。書來尙隔年。平安歡舉室。仔細讀終篇。宿草
人凋謝。滄桑事變遷。不堪垂白後。拄杖相新阡。

未得同歸去。天涯歎滯留。泥中羞曳尾。座上媿遨頭。花滿林逋宅。魚香宋媪樓。何時雙不借。共作繞湖遊。

書悶

浣花時節養花天。孤負清遊又一年。紅藥闌干香似霧。綠槐門巷雨如煙。身同病柳枯猶活。老學春蠶飽卽眠。多謝提壺苦相勸。蘇家梁上久無錢。

有貓自外至。孳三子室中。貓食所乳而就乳之。并逐

其母因誌其異

蠢茲小畜亦有武氏不子其子子求母乳食厥子子入母腹化爲乳有乳無子乃逐有子之母乳其子子惟乳是母

小羅嶺嶺巖卷三

五

不知非母之子母以所乳爲子不知子之已死何其諄也而毒甚於虎

呂燮庵乞歸題其行看子

捲簾人老燕飛斜。聚散難搏一劍沙。指點玉泉山外路。門前柳色似陶家。

聞說神仙上釣臺。時張晴湖亦引疾相逢一笑共銜杯。腳韉手版

應憐我白首朝朝聽鼓來。

卻飲

火繖高張造勝天。御風只合作飛仙。逢人欲夢隔冰語。騎馬狂思落井眠。寒玉誰貽左宮枕。懸波難調下臺泉。移文

乞緩觥籌獄械飲何如斷飲賢

暗坐

終日何擾擾關門俗事捐當風宜暗坐待月且遲眠燈影
疏籬外煙痕老樹邊不須愁夜短無夢早安禪

避蚤憎引燭畏蠍戒褫衣郭外僧鐘歇街頭盲鼓稀繁星
光似瞬獨鳥宿還飛幽絕無人覺蒼涼露氣微

許榕臯移居寓南

南郭遷來北郭居萬蟬千繭載盈車畫師莫認村夫子我
輩移家似販書

芒芒一僕拖薑鼠螫螫全家共殼螺應憶橫河好亭館門

小羅浮館詩卷

六

前煙柳釣船多

榕臯家橫河
本與予比鄰

鷓鴣我借一枝安十五年來息倦翰結得南鄰似朱老漫
愁殘齒喫梅難

山廚野飯爛葫蘆酒在牆頭茗在壺肯續南村素心句披
衣休忘過門呼

苦熱

如年長晝火雲烘不是壺中是甌中暫喜片雲遮樹黑最
愁一刺到門紅頭皮空戴千莖雪腋下難生兩袖風小屋
果堪持作袴只應水厄對王濛

無衣正可傲羲皇坐使寒蟲笑鳳凰入座誰爲冰氏冷過

街但見暍人忙。飛霜有散難尋藥。闕地仍溫嬾下牀。吸盡
蔗漿終內熱。不如濯足向滄浪。

丁丑七夕立秋

綺節良宵此夕并。畫屏銀燭夜三更。星期一瞬花枝午暑

信三周日幹庚。次日已大地問誰真得巧。老天如我久忘

情。關心只向銀河祝。早晚歸來米價平。俗言天河七夕後

價賤遲則貴故宋人句云天河司米價

種菊

種菊如稽田終歲力作苦。儲種在霜月治糞且蓄土春深

始分秧如兒乍離乳。插苗并無根全活。十得五燥濕酌陰

晴。籬籬課編補入夏暑氣炎抱瓮汗如雨。秋霖愁浸淫潦

水決渟聚畚鍤猶在手。殘立或盈圃花開博一笑。登盆列

堂庶農家樂秋成我亦醉村酌。

種菊先捕蟲蟲類紛么麼。菊牛毒最熾菊蟻傷孔多。菊蝨

細已甚菊蠶形易譌。似蠶與菊同色名象幹空中孔匿蠹損葉涎垂

蝸小蛛纔似米胃網成繭窩狡者似逃蚤蠹者如癡蛾乘

涼夜束縵犯露晨披蓑。眼搜手摘剔指探唇吹呵微物亦

生命罪同螟螣科兩全無善計盡殺休嫌苛。

種菊難治病其病變狀百未秋已焜黃。當夏忽黝黑或抽

柳梢青或結艾絨白或先時而蕊或柔蔓無力多陰高過

頭久曝短纜尺糞肥乍拳縮土瘦又疇瘠諸病各有原十
九坐水剋蓄葉難於花秃根笑孤特譬如盧仝婢安問好
顏色徧揖花中師衛足豈無策

種菊如養子出入顧復之一一手標識異種珍所希方長
度尺寸及大視瘦肥雨打防濺漬風顛慮傾蔽遮以黃篔
簹扶以青竹枝承以松釵股縛以椶皮絲逐肉驚雀去持
竿驅雞飛勿踐戒僮僕戲摘嗔嬰兒愛護亦云至爛漫秋
爲期苗而或不秀榮悴非所知

偶成

時在順慶

久住成都歎集枯此來仍到小成都

方輿勝覽以果州爲小成都

地偏

小羅浮籌卷三

八

最喜逢迎少政簡難求訟獄無寒女仙蹤原杳渺武侯陣
蹟亦模糊荒涼尙認經行處廢壘空山長綠蕪

丙辰之軍營庚申旋

省皆取道果州

還成都過潼川作

草堂遺蹟已成墟何處江山是敝廬我更不如窮杜二梓
州猶得一年居

權潼篆時因奉調瞻對軍營未赴郡

四春亭子最清幽未許擎鐙補勝遊戀戀餘情向誰說舊
時參佐在東頭

宿中江縣

城郭江山着意看日斜猶未解征鞍居民漫訝無瓜葛二

十年前舊宰官

任中江四年皆在軍營今始至其地

自果州再還成都

逐逐真爲傳遽臣不教緊郡寄閒身暫來官只如新婦再到花仍乏主人餘瀆得霑甘竊祿虛車雖故尙爲薪宵征自詡郵程熟前路無勞更問津

題王晉堂明府前溪垂釣圖

絕好谿山不費錢如何拋卻上青天錦江雖好魚難釣

虞集

句長竿莫釣錦江魚穩繫孤篷抱瓮眠

橘園

一年生計寄林端穀草低棚坐曉寒佳實纍纍垂道左看

小羅浮館籌餐

九

青容易看紅難

夜宿趙家渡

津鼓聲纔歇街鉦響漸譁暗船爭聚月高炬乍明沙轆釜羹愁盡當門酒易賒縱橫堆臥具草草似新家

金堂道中

小市長河畔修途暫憩時趁晴開渡早過雨散場遲村社喧儺鼓郵巡卓望旗到城知不遠馬力漫愁疲

寄居

權官蟲寄居割據但容膝突來本無因遽集未涓吉蠻觸各分疆蹶餘可同穴程書就油牕開竈除蘚室分鐙多餘

光共榻得奇熱主如聚族居僕不鎖門出人事重往來天
宇況清豁衆言冬日衰我作出遊薛塗巷認東西胥徒記
甲乙依稀新徙家鄰里罕識別長住須有緣乞閒恐乏術
鵲巢能避風蟬綏不茹雪只聞齊歸田詎有墨黔突不見
燕與鴻來日知去日

去果州

宦轍於今亦轉蓬纔來又復去忿忿破殘手版重新換爛
熟頭銜照舊空共笑經年應歇樹卻憐啟誓有羈蟲歸裝
早被園丁料載得花秧綠幾叢

從楊心禪刺
史乞得菊種

物類

小羅浮集卷三

十

物類有巧拙機心無異同伏貓窺戲蝶駭雀掠遊蟲抱甕
園中叟馴鷗海上翁直將靈蠢易內視總慳慳

郊外

小店三家聚中田一屋孤倚鋤人問雨抱杖叟行酌野水
生科斗煙邨叫鶉鴟閒閒羨桑者牆下短梯扶

送客

送客世情了關門清晝長斷雲天外濕飛雨夢中涼荷氣
得新水蟬聲又夕陽坐銷閒歲月老矣況殊方

今日

今日可靜坐其如剝啄何扇原因暑用墨總被人磨拙直

言多忤衰疲事易譌卻嫌雙鬢黓騎鼻欲成渦

蕉箑

小樣輕圓費剪裁牆陰會見綠旗開何如乞取堯廚草葉
大如門扇得來

自新都往返道中作

隨例衙參破曉忙又依野堠綴班行憐他敗柳衰於我半
死彎腰大道旁

卅里郊行旣景偏雷聲隱隱動山前雲峯怒起破空碧一
霎塗成玳瑁天

不問官私賣入城信信穀犬寂無聲半規月澹燈篝遠只

小蓬山簞詩卷三

十一

有陰蟲夾道鳴

種菊

數種新苗遠地分終朝顧復意殷殷浪遊卻憶從前我鬢
子何曾似此勤

芸耨汲甕自攜將破曉乘昏戒勿遑未到花時人已憊閒
身更比蜜蜂忙

漫成

不是疏慵不是狂老來情緒總荒唐愁多未覺春光好睡
少猶嫌夏夜長名姓乍忘慙對客見聞都謝似居鄉覆盆
放杖何年事漫就醫師寫藥方

草堂

奧區萃名勝草堂稱第一未來夙心儀初到亟瞻謁軍書

正孔棘遊賞久銷歇椽筮毀不治平聲灑掃事常闕時平百

廢舉志合一議決千夫邪許呼萬畚草垆堦堂成六七年

花木日蒼鬱乘興卽頻來不以再三竭伊昔經營始遺貲

藉同列誅茆僅盈畝集事纔計月上元三連延起亭臺位

置非一日萬竹斬猶未四松栽甫乞匆匆已出走再到歲

三閱詩卷在人間亘古畱景物後人役巧匠踵事務繁密

花徑與蓬門規制粗髣髴高情取做豁美麗非所悅杜句

初一畝又云敢謀土木麗又云做豁當清川配食妥其靈渭南庶相匹楊蓉裳農部議

小癡翁詩卷

七

以放翁配祀自漢迄於茲代有大手筆杜陵一野老窮餓乃傑

出所爭在千載不謝一時屈頌詩可知人文字乃其末試

訪子雲亭棄礎早榛沒

薛濤井

我昔尋此井一徑入深竹蕭然地半弓圍以萬竿綠亭基

尙宛存闌榦盡摧剝其泉冽而甘汲之清可掬不雨亦不

枯不治亦不濁靈源無竭時舊蹟歎綿邈同遊共延佇美

事擬修復居室善苟完分祿取粗足此松雲本意華樸趣各殊

盛衰機互伏竟從瓦礫場幻出錦繡谷茆茨竈盡夷篁篠

斧交斲飛檻枕長流層樓俯雲木花欄旣曲通琳宇復旁

築旁築神祠

豈曰小補之志在愜所欲冠蓋集河濱金碧炫遐

矚來風可驅炎近水宜聽曲清嬉晝傳餐豪譙夜燒燭非
不勝荒涼時或病繁縟我獨上孤亭詩碣捫且讀朱闌繞
碧甃眞面在牆角興廢固無常風流更誰屬但聞枯棹聲
昏旦纒岳續

城北水榭

門外臨大道門內藏林塘闔闔咫尺閒境判閒與忙我來
值雨歇霽景明初陽柳色帶秋意蓮叢生水香小橋橫斷
岸扁舟繫其旁愁無弄船人登舟空彷徨呼童強理楫一
葉飄輕颺曲折緣港出窈黑疑昏黃密竹深似洞夾岸排
屏牆日出照不到風來清且長乍覺毛髮爽復驚衣袂涼
是真銷夏灣何必浮吳航明年謀追暑出郭尋寒鄉書券
賃此舟高枕眠滄浪

青羊宮

青牛已出關青羊又入肆前聞本荒邈末俗貴奇秘峩峩
紫金臺突起勢鬼巋構造始何年遺未載乘志我聞五千
言蓋公得其意孝文致刑措謂以清淨治隆號肇唐初高
元益誠事如何白衣叟卽是柱下吏故宅符豈眞遺像夢
亦僞張均取妙寶王鉞求石記新廟祖不祧太上尊無二
憤憤十年中徒貽史筆刺方今崇正軌六合蕩邪詖存書

不廢言一道黜攻異璧水澤孔長泮林材大備羣言縱淆
亂統緒罔殄墜此宮負郭成跡僅羽流寄壇圮草全荒牀
空鶴誰飼指玉局觀惟餘一羊躡範銅爲之摩弄恣兒戲春時花市
忙負販踵相比花谿路必經我亦偶一至屠酤雜茶舍耨
耒列農器絕非衆妙場乃作說法地其然豈其然臨風空
歎异

自歡喜庵至昭覺寺

無米於今也折腰

是日有迎送事

偷閒聊復訪僧寮四圍牆塹田

三面萬箇篔簹路一條寂寂修廊停浴鼓蕭蕭大竈

僧衆三百餘漢書註都

竈大竈也

冷茶瓢石房松砌都尋遍纔避人閒半日囂

小羅浮籌鈔卷三

十四

松砌石房見范鎮題此寺詩

謀徙

蜀多佳山水到處成奧區山農與樵子八九巖澗居全家
住畫中相習情轉踈翻言城中好居鄉子孫愚我獨殊所
見相從聊自娛借屋如借山不買亦吾廬
村居畏攘竊邑居苦喧鬧何如城市中而具煙霞妙摩訶
故池濱荒僻人罕到絕似水雲鄉可耕亦可釣惜無寄貲
人未獲從吾好慙愧蟻移家銜塊避霖潦

病中韓三橋廉訪楊小澤太守過訪述懷

病羽禱褻合在林漫勞慰問到荒岑參苓藉壯衰齡膽金

幣難縻去客心。冉冉年華空待嫁。乙卯來蜀明歲二十五年矣茫茫人海幾知音。相逢莫便傷搖落。自有霜枝傲骨禁。

仲冬對菊

紀候新吹六管葭。猶餘冷豔鬪霜華。延齡本是神仙種。計日慵看富貴花。顏色不因垂暮改。精神轉為耐寒加。從知晚節香逾久。但說秋容尙未誇。

放言

疾走無駿蹄。奮飛無健翼。搖尾空廚尋。犬食杜鵑勸。我不如歸鷓鴣笑。我行不得行。不得聲鈎。轉輪方輻。說道孔修不如且作號。寒蟲得過且過秋。復冬不如且作信天翁。張口枯立滄波中。催人一任東飛烏。勸客不厭提壺。盧牀頭抱褥付質庫。枝上休嘲脫布袴。

羅浮館詩鑿

五

一室

一室蕭蕭謝送迎。牀頭書卷任縱橫。筆纔用熟。偏愁禿墨。到磨殘。總欠平無事。日多常晏起。和詩人寡。且孤鳴。校讎亦是消閒計。時校適園詩錄及適吾廬詩存牕紙新糊老眼明。

睡穩

永夕迢迢未鄉晨。藤牀睡穩煖於春。無心野鶴忘警夜。多事老雞頻喚人。閒改舊詩常有得。嬾尋佳夢為無因。百蟲入蟄真長樂。我欲聞雷始欠伸。

歲杪對菊

臘鼓聲中菊尚花。錫名壽客信非誇。固緣邊地違霜信。終是靈根稟日華。送酒誰供千日醉。問梅已放數枝斜。從今莫笑吾廬小。林嶼陶籬在一家。

寒夜

入室無可語。翻書幸未盲。更長嫌燭短。寒重怪裘輕。雪意真宜臘。風聲又作晴。無端生俗想。田事始春耕。

戊寅除夕

三十六旬容易過。踈烏老兔走如梭。賽神鼓鬧雞聲少。守歲門扃爆紙多。爆竹以竹著火取聲也。今失其本矣。故方岳詞以椒盤竹爆屬對。宛署記則直謂之

小羅浮詩鈔卷三

六

礮官許長閒癡。亦可詩無佳句祭云何。兒孫卻向他人借。也自團圓聚一窩。兩兒眷口分寓京皖。膝前皆甥屬也。

小羅浮山館詩鈔卷十四

錢塘吳 昇秋漁

桐花鳳

東風二月桐花開一樹紺碧凌層臺明蟾初墮曉星白時
有小鳥空中來花如瓊大鳥如指羽弱身輕低復起一花
一鳥恰相容齊入一栢香露裏枝高露重不勝寒密葉陰
濃濕未乾不隨燕尾蜂鬚逐只和金盤玉屑餐破曉來尋
天未曙聞聲呼伴驚飛去綠毛翠羽杳難分瑤樹瓊枝宿
何處紛紛醉蝶猶酣夢一縷紅霞遠相送畫筆何從得似
龍禽言合許稱么鳳丹山萬里爾前驅靈羽還當應瑞期

虞箭九闕文囿樂更頌朝陽大雅詩

鄆筒井

鄆筒酒不瀉餅髡屏囂卣大竹爲筒受升斗自春徂夏藏
可久鄆筒井甃以文石汲用綆泉甘且香清照影入釀不
與外酒等何人夜飲放醉顛大步直入井底眠幕之實以
土萬畝至今蛙蚓泥中旋我尋舊蹟到官廨遺趾近在堂
東偏闌傾榦圯鹿盧倒但見烟露蒙榛菅井滑四顧方流
連主人爲我進一言此酒始晉之初年縣中有池鄢淥然
池上有竹大如椽池水可釀竹可貯二物具美名斯全藕
絲蕉葉密苞蔽香氣馥馥珍華筵池今湮塞竹盡斧釀法

不復留人間，井卽不改失。其本僅可日，給茶爐煎有無。不足費菟討，過客何事空流涎。我本不飲，豈心惻作詩聊以徵流傳。

萬年松

產峩峩山中，枝葉根鬚如縷，如髮視若枯卉。置水中則頃刻間鱗鬣開張，黃萎者皆蒼翠儼一小松。特具體而微耳，然太久則葉落宜，風戾夾置書葉中仍可活。

道人貽我一本松，云產峩峩之中峰。藏之歲久枯不死，得水卽活仍青葱。出諸懷袖已黃萎，長僅二寸如枯蓬。其身

小羅浮山館詩鈔卷五

二

具備枝與幹，其末綴葉毛蒙茸。濡以一勺古刺水，坐見勃

發生機通之。而怒起鱗甲，動幻出小橈。蒼髯龍亭亭，偃蓋

具遠勢。筆山倚作青芙蓉，冷光含潤墨池雨。清氣拂掠書

窗風，果然雅玩異凡俗。照眼几案青濛濛，我聞一眞每百

僞。錦屏羅漢名相蒙，屋遊園菜亦假借。五苔名五松，松從松亦取凌冬之義。

不倫之擬將毋同。此松詎有歲寒節，滋長不藉栽培功。得

毋短芽落子苗，或是積翠山苔濃。大宋小桷非所望，卑之

併失薪芻供。藐小敢受大夫寵，盤桓難接高人蹤。不如雜

置故紙中，香芸書帶以類從。神仙字卽不死藥，好與脈望

潛三冬。悠悠萬載誰可待，終勝古雪寒巖封。

酒香蓮

出建昌蠻地本名太白蓮柔蔓如縷葉大如錢每
一花承以一足花橫出其上色深黃微似金雀作
酒香四時不斷以嫩枝入土卽活惟不能耐冷耳
我聞醱醲花香色似醇酎此花旣名蓮何又酒同臭邛都
土人來謁予佳卉特向雲中鋤柔枝斜引玉釵股纖蔓細
裊青虬鬚娟娟扶上含風篠葉比荷錢看更小翠跗堆滿
繡餘絨細朶飛擎金色鳥風前露後乍傳香絕似房家瀉
碧芳房壽葛蓮花釀酒名
碧芳酒見叩頭錄薰髓未曾浮蟻綠醉痕先已暈
鵝黃初春只覺東風早碧葉田田花少好低叢接萼夜常
嬌嫩綠移枝春不老偎牕只怕北風尖軟翠偏宜六月炎
添潤有時澆宿茗護寒更與下重簾嫣然風致蠻烟外米
汁生香入塵界不是尋常兒女花濂谿彭澤應同愛

含香梅

木本高二三尺葉如桂暑月作花圓如小桃色純
白瓣堅厚內抱香極甜美

不與梅同瘦炎天雪滿枝瓣堅疑琢玉肌潤若凝脂獨抱
心香潔微含齟笑癡最宜將晚候常似半開時跼淺愁風
妥花深得露遲大珠圓可握小瓊滑難持蒼葡萄參禪悅羅
浮妬夢奇虛欄涼月下芳氣少人知

鈕蘭塢二尹用杜句作圖一奴捧書一女舞劒戲綴

二絕句

折望深宵惜晝餘無花老眼湛清虛自然私燭何須節忙
殺髻奴夜抱書

俠骨難教醉膽寒舞翬聊作看場看劒花雪白酒花碧不
是髡心也最歡

初至雲安

昔年西走魚通道今歲東來魚復城萬里吳船驚過眼何
時重到錄歸程

夔為返浙川程所必經

夔州

小羅浮山館詩鈔卷內

四

孤城岬岬峙雲端焦土依巖僅彈丸相地可名無井國
無井居民汲江而飲逢人都羨有錢官江山扼要同天險吳楚通津
惜路難重鎮昔曾雄節帥媿分嚴鏹借儒冠

暑中

秋序收為義因何暑未除坎離忘兩濟風雨闕三餘枕簟
宵難近茶瓜饋不虛更須勞阿段篝火入烟墟

水氣人蒸甑山光手炙爐地難求土潤樹不為霜枯榕老
常吹火荷乾不瀉珠崖陰堪布席此處濕生無

夔城霜露不到夏無

蚊蚋蛇蚓樹常自焚盛暑久旱木葉皆似焦灼

郡齋

山城事簡訟庭虛寂靜荒衙歎索居東道主難慚對客南
歸人少預修書分曹製笈防泉竭乞藥鈔方冀病除聞說
河街增米價雲安有酒莫行沽江水濁不可汲官衙皆從
蓮花峰頂用石槽竹笕引
泉入城而飲夜須防守
讀杜詩知唐時已如此

○白帝城

灩澦堆邊拾級登雄關舊趾久無徵周封僅比黃人例漢
號猶譌白帝稱禾黍故宮成廢圃鐘魚寒刹賸零僧惟餘
一片瞿塘水雪浪如山總沸騰今之白帝城在灩澦堆岸
上卽古瞿塘關唐故夔州
治也後州治及關皆西徙魚復其舊趾謂爲白帝城攷白
帝城在稍東數里城中虛無人今稱子陽城故杜詩云白
帝夔州各異城言
兩城相接難辨也

小羅浮山館詩鈔卷四

五

○九日登望華亭

亭在
著內

戶闌環青嶂何辭舉步勞危亭凌萬井極浦聚千艘山勢
嚴重鑰江聲走怒濤黃花依土瘦紅柚出林高渴想中冷
水狂思左手螯茱萸聊共把詩酒興空豪夔土枯瘠乏井
泉之利不宜種
植惟產柚獨佳郡守須以時饋蟹歲耗
千緡蔣礪堂制府始除之市無貨此者

○峽岸

斷厓仄岸互縱橫五里常迂十里程何處雨來飛數點一
羣猿過嘯三聲江從山樹根邊轉人在風帆頂上行漠漠
荒煙迷廢壘歸途遙認子陽城

○庚辰元旦病起

藥裹潛拋餞臘餘。桃符新換逐夔魃。安排冠服趨元會。綴
叙寒暄答賀書。西日已催歸樹鳥。東風應躍上冰魚。閒身
只合投閒處。印綬將離病自除。

正月十一日雪後過朱學博寄園

清寂惟覺舍猶嫌。近市躑躅西人已邈。郭外路非遙。

園在西濱

幾把茅新縛。三人月共邀。

園中惟攜一僕

門無雜賓至。投分只漁

樵。

渺渺千餘載。南鄰又此翁。

園距草堂僅數十步

梅花人日後。歲酒草

堂中老健年。華共疏慵氣。味同忘言空。所寄寒雪滿林風。

過萬縣

小羅浮山館詩鈔卷古

六

兩岸奇峰一葉舟。篷窗近枕臥來遊。萬山終日低昂處。一
簇人煙認萬州。

奈家嘴夜泊

無月無花夜。春江住老僧。過船喧雨絳。隔浦亂村燈。野戍
船中鼓。宵漁石上罾。蕭然成水宿。空貰酒盈升。

宕渠道中

古縣羣山擁。長河積水連。時平多廢堡。民聚少閒田。牛市
家家劔。花村戶戶絃。停車重問俗。捨攘憶當年。

村舍

似農家屋似幽棲。窄窄橋橫小小谿。花鴨一雙牛兩角。門

前春水綠平畦

曉望

連睜白水待秧栽，淡淡林霏破曉纔。立馬山頭望山下，萬

蒼明鏡一齊開。蜀中田蓄冬水遠望水光成野如萬鏡齊開

還成都

身爲老逼何辭病，心爲人忙只覺勞。入戶聽譚新歲事，趨衙重認舊官曹。廐餘疲馬如蛙鈍，室有癡鬟飽蝨饕。請急歸來惟偃臥，不煩鋤理到蓬蒿。

臣今老矣食去聲無功，敢說高懷廣受同。美譽何堪比城北，

啼聲幸不到門東。欲埋退筆慙無地，未表新阡疚在躬。倘

小羅浮山館詩鈔卷四

七

許及身修馬鬣，歲時魚韭勝碑穹。

題費憩齋負米圖

負郭難爲二頃謀，循陔時抱百年憂。蜀山萬點空撩眼，不是探奇賦遠遊。

竟拋下箸味清醇，來醉雲安麴米春。一束殘毫半丸墨，多

君恆產只隨身。

狂吟終勝折腰忙，莫歎浮蹤滯遠鄉。自古詞人多入蜀，米囊餘地卽詩囊。

乞歸自述末章兼致別懷

儒服來調宓子絃，戎衣屢著祖生鞭。酬庸

恩重二千石。待嫁人過廿五年。嚴范聯蹤仍冷客。文高嗣
美讓時賢。田鳩野鷄無豐羽。莫學搏風墜遠天。
俸錢祿米速頽齡。溫飽

殊恩荷

關廷四郡浪傳歌。誇好七年空乞夢刀靈。權典四郡
需次七年士難

知己頭應白。天與奇緣眼獨青。礪堂制府
許允歸爲報湖山更相

待者番歸棹指西泠

重經十暑與三霜。無計揮戈效魯陽。問字童孫歌樂泮。移
盆小樹看過牆。歲華處處驚人眼。塵事紛紛惱客腸。歸去
只愁相識少。預將名姓問存亡。

小羅浮山館詩鈔卷西

八

卸却朝衫著緇袍。倦飛不是遂初高。浮沈逝水魚原樂。拮
据新巢燕轉勞。丁令歸期成久約。杜陵詩格歎空豪。只餘
逸興難消得。萬里橋西弔薛濤。

書樞棋奩煮藥爐。病中檢點費支吾。盧仝早嫁。初來婢穎
士猶留。未去奴長物。贈人雙騎瘦。短牕攜伴一琴枯。還家
直似移家去。錯被黃鸝識老夫。

白首分攜意可知。還山非易會難期。年年譜菊今方了。日
日開樽醉不辭。千里懶裁留別簡。十年纔讀贈行詩。庚午
引疾
不得歸。今瞿塘估客時東下。好擘魚箋寄竹枝。

鴨婆灘

青衣江上水灣環綠樹平波不覺寒已近荔枝灣外路輕
風吹送鴨瀟瀟

舟晚

寂寞寒江少聚鄰衝烟宿鷺往來頻荒榛冷磧曉巖下一
簇臨流待渡人

過嘉定遇顧蘋生

嘉州山水甲西蜀十日凌雲遊未足病來豪興已全消但
抱孤衾柁樓宿紛紛興隸自崖返我老何能事諧俗岸然
登者翳何人入耳鄉音聽最熟整衣曳履急相見客路重
逢頭盡禿憐我天涯衰病身羨君香國風流福客言倦鳥

小羅浮山館詩鈔卷四

九

已知還相約籬根同種菊不貪紅荔玉爲膚那愛海棠紅
映肉一葉舟須製總宜數椽地已謀新築自言卜居湖上并製小舟健
猶百里宿春糧豪尙千觴冬曬麴聞言三歎愧吾衰此日
鄉心益振觸乞退遲君已廿年卜鄰許我依三竺歸期商
略轉忿忿不管北風尖似鏃船頭一掛各東西明歲湖塢
訪君屋

高灘絕壁有結茅者

破屋欹斜一兩間終朝惟聽水潺潺諒因識透風波惡老
死窮巖不出山

奔龍如矢在門前穩臥憑他上下船試聽叫呼聲緊處萬

千身命正懸懸

○舟夜雨寒

燈火團圓一葉中。郵亭更鼓響籠銅。咿啞一夜風吹柁。歷亂千聲雨打篷。老婢怯寒搜絮籠。小僮逐暖倚熏籠。解衣我亦愁衾鐵。翻悔年來酒盞空。

宿巫山縣

峽斷孤城見舟輕。近岸停故人期不至。時沈鑿齋宰是邑在郡晤別未返

歸路昔曾經。帝子魂難返。荆王夢早醒。只留峰十二江畔。向人青。

巫山阻風

小羅浮山館詩鈔卷四

十

此去離西蜀。荆吳在望中。暫留詞客住。多謝石尤風。

○過虎鬚子灘舟觸石幾危在巫山縣西

虎尾不可履。虎鬚安可觸。篙師胡不謹。直往試其毒。蜀江多石險。水面森矗矗。洪濤澎湃中。嶄然露頭角。陋此一拳石。過者不留目。然而犯其鋒。如以卵受鏃。况復乘奔湍。勢更猛且速。安危爭一瞬。兩手汗盈握。蠡能螫人。慎小乃獲福。

○發古歸州遇風哀溺者

大風從東來。我舟猝相遇。有灘肆其虐。有石塞其路。欲前不得前。欲却無退步。譬若兵在途。伏起失援助。忽作中流

旋忽作截流渡。羣呼意已亂。首尾不及顧。奮力與之爭。如魚脫鉤去。山轉風漸平。驚定轉詬語。迴視同行舟。掀簸尙如故。再衰三遂竭。淪沒渺何處。哀哉十五人。拯活不盈數。是豈積罪。魯上觸彼蒼。怒爰書例三刺。數載獄辭具。似此但須臾。寘法太忿遽。劫籍如有名。自修冀蒙恕。勿終風伯訟當矢深淵懼。

上灘

乍聞風雨至。知有灘在上。汨汨乎其來。不可萬牛擋。舟人聚相戒。羣力策丁壯。百十曳落河。負繩與之抗。前爭轉後仰。手作據地狀。寸進或尺退。東推或西向。坐者輒如棉。立者簸且颺。三老坐中央。儼一將。兵將援桴雨。點急力破萬重浪。船頭鼓聲緊。沙上吼聲旺。作氣躋其巔。勢乃息。奔放鳴金以衆退。出險慶無恙。痛定復思痛。迴視心魂蕩。

下灘

下灘夫如何。似易因更險。一發不可留。如以物投坎。洄洑瘦蛟蟠。狂飈饑虎鬪。盤渦大於屋。巨石高似艦。入漩成磨粉。觸石等折檻。不能避道行。絕少援手擘。浪花高過頂。呼救但聞喊。苟非巧力齊。鮮不飽魚噉。船頭轟然下。船尾向天颺。驅塵柅難止。奪路關竟斬。箭離殼猶遲。蛇赴壑尙漸一低又一昂。過眼不及覽。瞻之已在前。平波光濺激。乃知

生死關爭此電一閃危乎復危乎忠信吾豈敢

入峽

千里一日還語壯事難必重門雖洞開易進不易出苟非
駕長颺濡滯閱旬日鄰舟各申戒器具治撓折廚人積米
薪病叟購葠術行行已終朝濯濯無一物惟有石巉巖競
起紛怒突平者築長圍銳者持倒筆其形雜方圓其狀互
凹凸泉道忽中分冰紋乍橫裂虛懸欲壓人上蔽每遮日
不受纜與篙空留窪與窟果然劇削成胡作此獐劣我心
本坦夷我句素平實吮墨無豪情欲肖口難述

峽中

小羅浮山館詩卷五

七

三峽各爭奇詭譎百十易連山時重關愈進愈深黑其巔
出雲高其趾插水直如遁夾壁中宛立巖牆側陽只照三
時天但露一隙無從辨東西往往誤朝夕前行若無路當
面一峯塞峯迴路亦轉一轉一境闢想是混沌時千里只
一石神工斧斯之瀉此一泓碧並無猿鳥來罕見樵採跡
欲脫羊腸危乃作螺殼匿探奇固所欣只苦天地窄

出峽

峽路夔巫巴秭歸曳其尾蜿蜒東走楚一氣七百里偶得
小坡陀屯聚卽城市眼界快稍寬疊巘又蠶起出險復入
險縣縣何日已憶從黑石來昨至黃牛止流傳或異名大

略猶可指。我本住水鄉。穩臥烟波裏。閉置蝨縫中人船。一芥似造化。雖示奇。平陂循環理。舟人喜相告。此峽名扇子。過扇子峽則山漸平遠割雞貰瓶酒。相率虔報祀。山形圍漸解。灘怒威亦弭。明晨達夷陵。利涉從此始。

大風過新灘

新灘名久豪。三峽濟惡風。威正旺。冬三老持竿爭漢灘。全家襍被避。蛟龍叫號力已干。夫竭緩急幾難一。髮容瞥眼竟離人。鮓甕回頭猶怯浪。千重自業灘至新灘名人鮓甕

黃牛峽

免得朝朝暮暮愁。纔過白狗已黃牛。明朝便入夷陵道。莫

小羅浮山館詩鈔卷十四

十四

誤偏旁喚陝州。宜昌在宋爲峽州印文從阜從夾與陝之從夾者有別故何洵請改印文從山以示別

黃陵廟

舊蹟難尋楚故城。風煙已接下牢津。山腰有廟稱靈感。一路挾香報賽人。峽有黃陵廟當是黃牛廟之譌放翁入蜀記稱靈感廟

神鳥已去猿聲斷。豈是前人語不稽。南鳥亦知歸客意。嬾將惡語耳邊啼。神女祠雅宋代已無三峽猿聲亦不到耳故因鄭谷句而并及之

平善壩

宜昌府西三十里

歷盡危灘纔到此。壩名平善我心夷。前途大有江山在。珍重揚帆得意時。

蜀船雜咏

萬里吳船那得來蜀江花艖出新裁屏廳大有江南意只

欠平波鏡面開范石湖吳船錄取少陵門泊東吳萬里船句意吳船無至蜀者蜀船亦至楚江而止

其各類不一惟花艖子與吳船相似

雇值多於買屋錢撐家船勝出山船安居畢竟輸茅舍四

面波濤一面天花艖價倍他船几榻軒廳與陸居無異然惟撐家船堅緻可上下往還若出山船則

至楚即賣船而回不堪再用

謀生水面入危途板主全憑眾力扶飽食直如多稼者不

勤四體但收租呼船主為板主司議值輸稅及日用細事行住進退則太公主之板主不過問與吳

船絕異

小羅浮山館詩卷四

四

長木如竿掌握中輕橈大柁謝無功江湖老去知津少隆

號居然僭太公持招竿立船首者羣呼太公即杜詩三老之義其他舟子統呼為弟兄而已

駢立船頭挽復推一呼百和勢喧逐數聲欸乃遙聞處知

有前船出峽來川船用橈不用櫓大舟率用二十餘人以聲助力謂之打號子一人倡則羣繼其聲

首唱者工貴犒賜倍於眾

露宿風餐絕可憐得錢盈百路盈千今朝計是雙寬日不

住橈聲破曉煙橈夫皆烏合貧民傭值甚賤下水船并有無價者附載求食而已客有犒勞謂之打

寬灘險且多則倍給之名曰雙寬

全身偃僕兩肩頰百尺長菱蟻聚行五斗未酬腰已折上

流何苦為人爭上水船夫兼司橈縴故勞倍而值重

橫截狂瀾擊亂流勢如拋擲急難收羨他飽飯船頭坐一
韋廳廳任去留上緯泊舟或在彼岸須截流而渡謂之拋
河下水遇平流舟人臥櫂休息任其順流
之放流蕩流謂

眼明手捷是灘師日坐灘頭索重貲熟盡浪花堆裏路衝
波不數弄潮兒險灘有工於放
灘者稱為灘師

百丈繩繩負不前三條修綆縋山巔平空提出閻羅界蛟
蜃垂涎亦枉然兩山夾峙中有險灘縋曳撓推青天難上
灘夫用巨纜束舟之首尾復從高處挈而

上之謂
之提灘

曾聞飛雪能埋馬今見流沙可沒舟坦道危機相倚伏莫

因水懦玩平流諸灘挾沙石東走楚江水平沙積隨風堆
壅誤入則陷不能出故沙市百里內謂之

小羅浮山館詩鈔卷五

五

沙跑

飄飄水面似瓜皮只與舟人上下宜雖小不聞遭覆溺須
知宦海亦如斯巨舟不能涉淺須小船
方可登岸名曰脚划子

。 峽外作

水不受山東山不容水流山水兩相困厄此億萬舟神禹
事疏鑿胡不釋厥仇坐令稱奧區自域西南陬若秦若燕
洛雄哉號帝州割據踵相跡恃險非良謀

。 舟次宜昌

白沙翠竹路沿江惡水狎山勢盡降平遠村墟開畫幘迴
環峰嶂列船牕羊腸乍聽車聲轉駛舌休嫌市語咙買布

便縫帆十幅。要憑風力學吳艘。蜀船用橈至此則非帆不可。

舟中夜月

月色波光照遠天。似催曙色到窗前。寒雞失候驚烏起。莫怪愁人夜不眠。

江帆二首

破帆百結亦高騫。旗布紉縫字不全。想得鳴鉦高掛日。大書濃墨照遙天。
新帆明且潔。舊帆塵土壅。新舊價雖殊。致遠同一用。莫以破碎嫌。補綴可無縫。長風如肯借。萬里請相送。

泊羊角洲

小羅浮山館詩鈔卷五

六

百里成三縣。宜都枝江松滋三縣接壤近在百里之內。千家聚一洲。烟波連夏口。風景類吳頭。岸迴彎環到江平。自在流。此鄉魚價賤。沽酒且維舟。

松滋曉發

水落平沙出。風寒去棹遲。夢猶驚峽險。路已入松滋。帆遠疑無力。舟輕似不移。推篷呼早飯。粗糲勝朝飢。

大霧

水霧浩如海。日高猶未開。江疑雲夢併。波欲洞庭猜。隱隱橈聲過。荒荒夜色來。長風速吹散。得岸好浴涸。

漢江阻雪

北風吹水作人立。江豚結陣拜風伯。宵分風止寂無聲。早起推篷雪盈尺。六合茫茫同一色。只餘數點寒雅黑。問渡無人兩岸隔。高檣矗矗行不得。晴川閣黃鶴樓。偉觀勝地傳千秋。惜乎猥近雜闖。當日營建無良謀。何不置之十里五里外。乃令傭夫販豎號呶笑。諛接踵而嬉遊。我本腰腳苦疲軟。終日臥坐如籠囚。覩茲喧攘益裹足。拒勸只合先生休。天公憐我賜我以玉戲。一夜幻出瓊樓玉宇凌滄洲。盡洗丹青金碧凡俗豔。但覺凜凜寒色澄。雙眸廣寒之遊在白晝。恨我頹肌噤痺未買千金裘。明晨杲杲射晴旭。冷光晃恍明中流。扣舷擊楫左右顧而樂。玉山朗朗照我瘦影天東頭。

小羅浮山館詩鈔卷四

七

黃州

迢迢楚尾接吳頭。城郭都臨萬里流。酒舫吹簫過赤壁。竹樓聽雨到黃州。江山不改留陳跡。風月無私許後遊。便欲快哉亭畔去。暫將身世付浮鷗。

楚江以東邏卒吹螺代柝作螺更五十韻

里鼓以草鞞。蒼榛以木成。斥堠擊金戢。街市拋銅鉦。壺箭水滴瀝。階石籤琤琤。琤材五音有。八未聞。以蟲鳴。亦有鼉。應漏亦有魚。知更警。露夜方半。皓月天將明。馴鷺喧夕。屢守犬。嗥寒燈。毛羽鱗介。屬有覺。方通靈。茲方獨異。用朽殼。搜

東溟有竅深且曲厥裏晶而瑩常帶龍雨氣未洗蛟涎鯉
接吻口欲冰去聲入手飗生稜一吹客心動再吹客膽驚慘

戚過篳篥嘈雜殊蘆笙風高乍鳴咽月黑尤凄清轉疑嘯
聚者引類來攘爭我憶叢祠中殘燭光熒熒妖巫發哀響
鬼哭聞嚶嚶又憶上冢時守士升高城遠若起畫角近若
喧風箏何曾事守望亦以稽宵征吾鄉例擊竹窮巷司巡
偵蝦蟇相續後復振鐸與鈴周防嚴令甲魑魅胥潛形漁
者且夜肅荏蒲敢縱橫隸人捍牧圍賓至毋侵凌胡為持
梵具共效蠻中僧去之義取草有言告老兵此螺產漲海
大可受二升刮摩出光潔剝剔除穢腥巧匠加美飾騷客

貽佳名用以作飲器旨酒睨一盛觥錄觥記注逸事歷可
徵鸚鵡形獨異海山製彌精香浮酒波綠金釵雲文青紅
者銀甲蘸白者珠胎擎貯以上尊篋儷以五位瓶前人酒器有珠

螺金螺雲螺香螺紅螺青螺綠文螺海山螺鸚鵡螺之屬南唐時有九曲螺五位瓶捧持官舫入

珍重華筵登奈何謝雕琢棄擲歸楚僇扞取司隸令分夜

無陰晴投名苦昏暮得犒收零星五版大如缶斷竹沙中
撐低穿柁尾入僂繞船頭行三眠復三起半睡還半醒舟

人語寂寂岸樹烟冥冥荒江濁浪中空作烏鳥聲不如乞

借我聊代荆魚傾蘇詩荆魚柁注荆州魚枕可爲柁戶小舉未酌便醺雙

頰頰覆之弛然臥庶免厭所聽迨巨速將去買醉歸柴荆

偶成

來船快駛風去船不得發風伯何所私人意難盡悅欲速
反成遲後發或先達今日臥江濱明日到天末乘風會有
時靜悟屈伸理不見王子安一夕七百里

維舟苦枯悶解纜懲淪胥行止兩不適出入空躊躇駸駸
走駿馬翹翹乘高車終日塵冥冥投止何安舒奈何狎蛟
龍甘守衣袂戒不如舍而徒足跣心自快

庚辰除夕

風風雨雨大江濱留滯偏逢餓臘辰穩臥不須臺避債閒
情猶寫帖宜春宵寒糝火添盆熱村冷園蔬入簞新

小羅浮山館詩鈔卷十四

九

北風雨雪舟滯不行泊地名十萬里一家分守歲羨他邀

入號者僅瀕江茅屋數椽耳

醉有船鄰

小羅浮山館詩鈔卷十五

錢塘吳 昇秋漁

辛巳元旦

初元端淑序獻歲正迎春江漢朝宗地湖山乞退人桃符
驚乍換桂棹惜逡巡欲穩還山夢還看五兩頻

初二日立春復成二律

晴江節物太恩怱椒柏屠蘇酒遞空種秫空經彭澤地開

帆欲借馬當風

是日舟過彭澤晚泊馬當

行庖野菜堆盤綠曉鏡春旌

插鬢紅

時女孫隨侍

可惜融和好風景等閒虛度浪花中

雙飛倦羽各支離憑仗東風好護持家近惜睽京國遠川

小羅浮山館詩鈔卷五

一

長嫌到皖江遲劇憐病驥空千里癡盼雛鶯借一枝吉語

更申明歲約春堂同晉合歡卮

過當塗見大兒病甚

憔悴頻驚淚眼揩壯年衰與乃翁儕早愁子厚工皆病況

學劉伶死便埋詩稿漫誇三代共

刻硯壽堂詩成

歸舟未許二疏

偕謂秋樵先歸

七年求艾空何有賺得清名愜老懷

入江南境作

近家生俗慮兩月無一詩凡病皆可療惟俗藥不治百端
紛萬緒胸次無靜時麾之不肯去暫去或在茲詩腸與俗
腸勢不並域居相角每不勝六賊難殲除離家尚千里方

寸成穢壚不知到家後齷齪更何如

二月九日抵家

臥聞鄉音熟起視童僕喜關門且小泊去家僅十里弟姪
聞信來紛集河之浹登舟各慰勞衰健較年齒共言何濡
滯百日方到此新居猶未定舊宅尚可止語長不可竟喧
雜徒行李塵勞自此終真樂從茲始

遠歸大快事我懷轉淒其登堂無可拜心魂將何依門內
少長集我視皆羣兒新婦邀嫁女修容出房幃滿庭羅拜
跪稱謂勞劬諮衰年益短識辨別仍遲疑往往誤行輩動
爲婢媼嗤存者倏已逝生者我不知一瞬三十載隔世人

全非

小羅浮山館詩鈔卷五

二

出門訪鄰曲屋在人已亡名氏記誰某問我祖父行或淪
爲絕戶或徙之遠方十室九易姓興敗原靡常中有白髮
媪拄杖來道旁能呼我小字謂我何郎當聞言欲匿笑媪
胡不自量當我出門日爾作新嫁孀

後述哀十首

人生百年間孝養事莫大壯志在顯揚虛榮徒取快嗟子
生不辰慈母早見背楮庭復遠遑浪跡走邊塞譬如根與
枝一割續難再落葉縱歸根根已深土蓋子職旣不修孝
思復安在長爲負罪人百喙難自貸

憶在襁褓中父遊正汗漫九歲學爲文父歸始識面就傳
晚還家篝火授經傳謂兒尚可教有試每稱善家食豈能
長蹤跡任流轉燕齊荆蜀間跣足踏將遍書來何所寄文
字親改竄趨庭能幾時程課歲無倦

兒年十七時父爲貧而仕始得久相隨六載侍甘旨兒命
何迤邐銜恤歎何恃兩弟旣幼殤一子復夭死慈懷不自
慰薄宦棄敝屣自閩而黔滇僕僕戒行李兒方博微名父
已行萬里

越歲在癸丑父自滇南歸五子先後至駢足趨庭闈歲除
煖飢火環列上壽卮諸婦進棗栗諸孫奉盤匱此境不易
得此樂不可支父顧之色喜兒心更黯悲遺棺遠無伴冷
落荒山陞恐父覺此意嬉笑強相隨

乙卯兒北行宦海乘風駛迢迢上青天東望七千里簡書
正孔棘橐筆走軍壘家書久斷絕偶至萬金比書言兒勉
旃兒父健可喜屬兒毋念父匪躬兒自矢丁寧累百言已
讀復展視惻惻動心脾淚點灑盈紙

庚申還成都賊勢雍八九明年通大道遣迓不敢後父言
吾衰矣險道不再走兒自好爲之父有敝廬守癡心竟難
酬定省曠愈久能早畢旬稽卽擬解塵綬誰知不五載定
數限年壽擗踊痛何益罪坐戀升斗金革義勿辟陳情空

泣剖墨經雖在身莫贖此身咎

父年逾七十嗜學不倦勤蒐討遍海內著述過等身時不
閒寒暑日每忘朝昏城東築數椽課子兼課孫兩孫兒所
出父心尤愛珍大者已了了小者尤恂恂果皆一戰捷人
羨難弟昆吾父若親見定可愁眉伸鳴鉦空聒耳安得重
泉聞

吾母昔棄養兒行猶未歸父喪復如許生子將奚爲墓木
可補植壟土可復培親顏不再覩有墓空崔嵬殮未憑棺
慟葬未臨穴哀不如貧家子雖儉禮不乖微名眞誤人百
悔安能追

小羅浮窟詩卷五

四

凌冬理歸棹及暖返故居八戶聞歎息想像終憑虛平明
出西郭所遇多靈車我心益內忤載瞻蹶且趨童年適墓
日父常帥與俱獨來今踽踽忍淚容顏枯遙望鷲峯側白
雲遮模糊欲前恨腳軟心急行次且

天書燦五色錫類

恩汪洋章服不附身遺像空輝煌几筵進所嗜冀可升馨
香不若供菽水猶得邀親嘗傷哉白頭兒拜跪仆且僵扶
掖始能起老淚盈兩眶相隨固不遠地下事渺茫告哀亦
辭費此恨何時償

密雲不雨眇更胸城中筍價貴於肉病可未落能飽噉取
快百錢償未足昨宵一雨如噴瀑土氣蓬蓬漫林麓怒雷
挾起籜龍驚滿地嶄嶄露頭角晨餐已罷有客來餉我西
溪蒼玉束短纜過尺立負牆大者如椽把盈握籜嫩猶黏
露顛鮮泥香定傍雲根斲揮刀滑潤如截肪墮地晶瑩成
碎玉爛蒸縷切臠且羹盈缶堆盤味清馥饒叔大嚼盡一
器自笑胸中有成竹明朝壓擔賣街頭戶戶煙廚香氣撲
作齏作腊務多藏不管叢中嗟濯濯蔽日干霄且莫論紙
料屋材誰與蓄造物何曾厄此君人間但解充癡腹

哭杭海槎同年

小羅浮館詩鈔卷五

五

蜚騰達路忽迴車聞說輕裝返故廬我正青山尋舊約君
偏白首拜新除

海槎官廣西既歸復起爲山東牧

尚思緣可他年續誰

想官無半載居新政未成人已逝驚心北道走哀書

三川百粵路漫漫廿七年來一面難萬里得歸誇老健重
湖如舊惜春殘晨星落落埋殘燄文社蕭蕭廢廢壇檢點
寓書慙未報風前空拭淚痕看

對雪

圍爐促坐掩雙扉難得春朝俗事稀窮巷本來車轍少寒
天況是雪花飛冰池罷釣潛魚樂瓦縫藏羞凍雀肥物類
亦知乘化好怪他季女歎斯飢

大雪不止

我昔遊西川飛雪不到地習煖近卅年瑟縮僵臥未歸來
涉一冬堅冰竟不至病骨如遇醫溫劑日蒙賜陰陽大闢
關陡轉嚴凝氣臙鼓鼙聲天公催玉戲長空結陣來等
伴儼師次歲除歷人日信宿復三四已止忽旋作將斂又
重肆屋斜壓將傾帚掃敝頻棄堦除積已平尺寸添屢記
可憐豆麥苗千畝埋欲萎我僕多蜀人寒涕長挂鼻披裘
匿房幃舉箸索椒藪自云有生來未見此雪異我雖產是
邦奇冷久未試冠羸况老矣噤痒惟擁被微聞百穀宜田
事頗大利惜哉所損半一暴不能庇宜瑞不宜多茲言真

可味

小羅浮管詩鈔卷五

六

雪霽約諸弟小飲

連句僵臥謝招邀喜見銅鉦挂碧霄一徑冷香梅乍破四
檐晴雨雪初消負冰策策魚堪膾踢地青青菜可挑鼓興
便償人日醉莫將豪飲負燈宵

秋農次前韻約飲復成一律

舉瓊無須月共邀開簾晴色滿重霄聞呼便輟朝餐去踏

溼何愁宿凍消詩壘未降箋競擘酒軍雖老戰頻挑

時浣雲曠

雲兩姪皆有和章

白頭歡聚誠難事卜晝猶嫌負此宵

姚春木過訪畱別次韻

怕聽徵車到酒泉。良材甘老楚山樵。舉孝廉方正不說喜聞遠棹

來千里。轉恨歸舟滯十年。病葉尚畱霜後豔。寒花空向雪

中妍。七絕有殘雪半壓紅山茶句深談莫厭栝頻覆。勝覓吳航附短箋。

壬午二月三日大兒凶信至

水程三百里凶信一夕至疾豈不可爲醫果患人費去歲
重九前乞歸謀藥餌入門歡再見聚首一旬未遠就吳下
醫方劑投頗利小愈喜無虞翻覆竟成痢命途爾乖舛一
躓復再躓已廢嫌其才一死方了事一子學甫成一子年
尚穉一女字未嫁一弟遠作吏祿養非所期家事將孰寄
龍鍾賸病翁八口轉相累旅櫬遲未歸招魂且爲位阿孃
但乾唳老眼久無淚

小羅浮館詩卷五

七

閒居

愛閒人竟得閒居。半畝荒園自掃除。向背陰陽移卉木。料
量飢飽飼禽魚。雨收淪茗新儲水。晴補堆牀未曬書。道是
不忙忙不了也。勝飽飯廢居諸。

池上

蓮東小築俯清池。拂面風來與醉宜。踞石有人常坐釣。凭
闌無雨亦催詩。萍開細路魚行曲。花結層樓蝶上遲。不起
波瀾須就淺水痕。防著上疎籬。

望雨

不知何處雨耳畔只聞雷日已迴車去風偏捲地來可能
驅電至莫任撥雲開苦熱非奇厄農情或見哀

○雨卽止

黑雲如潮來日日作雨勢驅炎風長號宜鬱雷奮噫廚人
運盆甕急作貯水計街巷聞歡呼拍手快雨至須臾萬五
鳴疾若走輕騎橫空箭鏃飛滿眼玉繩挂園中閒草木舞
動有生意小畜氣未充退速徒進銳耳畔尚淋浪層陰忽
開霽仰觀已垂虹俯視纔溼地濯枝未流根承雷不盈器
祠禱或未誠嬾龍故相戲譬如耽飲人得酒不成醉翻令
心快快喉吻終不快有客田間來前谿已涉砾爲言郭外
田百頃盡霑被昨日雨南垂今日逮北際槁者且懷新秀
者已成穗豐年衆所同城中恐食貴聞言慰予懷當可飽
麤糲穰穰十萬戶耕者無一二天意豈屯膏農心殷望歲
乃知冥冥中降澤有等次吾儕坐而食見小忘大利乘涼
展簟眠亦荷彼蒼賜

雨

救旱非人力全憑大雨霖氣通千里潤澤下一朝深誠固
祈求意仁原造化心但知呼大快胸次尚山林

自哂

顏齡偏與夏相宜不畏尖風大雪欺炊熟飯因蒸尤晚月

涼眠爲灌花遲沈瓜瓞短窺深井買水錢慳涸小池隨意
成吟還自哂老來翻學放翁詩

秋圃四弟歸自滇南題其行看子以誌慰喜

廿載天涯悵遠離書來言欲去滇池喜君萬里行有日後

我一年歸未遲赤腳婢羸驚撲朔貧無僕以醜婢自隨白頭人聚話

茅茨團圞天與平安福老健還須共護持

素風當與古人期松菊名圖意可知三徑未開姑釀酒一

錢不值也吟詩歸裝未免仍彈鋏倦羽何堪再借枝灑掃

漫嫌蝸角小秋光我亦負東籬

鄰園看菊

小羅浮山館詩鈔卷五

九

酒市魚橋繞郭斜閒雲十畝路三叉疎疎幾點瞞人雨燄

燄千枝繡地花自喜卜鄰真得所翻疑學圃屬吾家花圃以兩

吳姓爲最何曾冷淡何曾瘦昔日評量近已差

買菊

年年種菊錦江邊今負黃花已二年開徑未謀陶令宅移

秧空載米家船講歸住種未活正愁新譜傳鈔少乍見鄰園巷陌

連莫便街頭償酒債慳囊甬住買花錢

三貫黃錢百本花籬根屋角爛如霞也尋朋輩尊壘約免

課園丁糞力加蟬賤堆盤膏膩甲菱香出釜角查可秋光

鄉味佳如許莫怪吳儂苦憶家

園花無品格有譽之者復成是篇

萬帚

接本形似帚

千畦整復斜繁枝冗葉互了又也來蔣詡門

前客不是羅含宅裏花種菜鋤瓜皆俗手蓬頭赤腳

菊尼此二

病笑村家最嫌非種同鑽李艾氣雖除族類差

小圃芙蓉盛開

高花大葉蔽晴氛接萼交跗簇錦紋自笑荒園纔半畝被
花占去地三分

纔看素面勻晴粉已見酡顏暈冷紅應怪主人無酒福不
會花底醉西風

也依池館卻清幽不占三春占九秋若與牡丹爭位置一

小羅浮山館詩鈔卷五

十

般羞上美人頭

嵇大芝見和前作翼日雷飲用前韻一首

燈窗詩就月痕斜破曉梁塵動畫又不釀何嫌沽外酒隨

時只合愛今花

朱子味蕙詩今花得古名謂今之蕙非古之蕙也今之菊亦非古之菊故前詩有何

曾慶冷之辨

食單簡過眞率會觴政精於法律家豪飲直須刪

禮數漫愁狂醉語譌差

秋農以詩謝餉菊次韻答之

閒階不掃苔花濃酒瓶臥地詩瓢空憐君瑟縮繭窩內笑

我躡躡榛途中出門今日晴色好泥橋南北多秋叢種花

主人不相識佳種卻喜歸來逢獨來轉憶君獨臥柴扉晝

掩無遊蹤湖山登眺固無分樂事乃負東城東破盆堆壁
可移植三間老屋猶能容拔其尤者擔且挈便有蜂蝶紛
相從問途爲指松竹徑破悶聊佐薺菘功新詩走筆乍飛
到紙背拂拂吹花風爲張鬢鬢數韻腳意達無取分中鍾

秋農約同飲花下復用前韻

秋農雖老酒興濃杯酌不肯花前空秋窗病起兩腳軟踏
壁醉臥蓬廬中獨酌蕭然了無味恐負撩眼花成叢阿兄
阿弟近可致況復四散今全逢大牀同煖故山夢浩海忽
斂浮萍蹤白頭弟兄三百歲秋樵以病辭
故不在此數酒星復聚橫橋
東小戶雖辭伯雅進病葉尚可三蕉容耆英會卽門內是

小羅浮山館詩鈔卷五

七

佳友侑飲如雲從我曾譜菊復志酒於此二美非無功連
枝同氣臭味合非效歸隱陶潛風明年此日祝同健更買
萬本浮千鍾

二弟詩成後秋圃與子各約小集諸弟復疊有和章

因再成一篇殿之

十月稻熟新籊濃枯坐不飲詩腸空橋頭買酒甕七斗日
坐菊中時復中仿春園宴集家衆話別來事喧譚叢蘊鱸
鹽鼓咄嗟辦封胡羯末連翩逢陳師願列鸞鶴隊入徑爭
躡求羊蹤不愁諸阮隔南北況有二陸居西東連宵競約
文字飲屬而相和聲從容我如寒蟲夜不語四十五日荒

餘功當筵幸免金谷酒曹檜敢詡淪淪風壘篋古器亡古
調推譽終愧非可鍾

唱和連句菊已殘矣復用前韻二首

不管霜華滿鬢邊詩城酒國住年年踏開籬下新苔徑閒
卻湖頭舊釣船閉戶竟忘秋色老發書頻喜和章連筆花
爭比黃花健只遜黃花尚賣錢
不似春風十日花殘枝簇錦散餘霞欲畱賸朵穿叢翦爲
護新萌覓土加釀酒有方無妙手餐英能飽怯殘牙酥煎
試摘青青葉好伴霜螯就酒家

曾爲王石臞明府題畫蟬數詩而未存稿陸古山明

小羅浮館詩鈔卷五

十一

府嘗誦其末章歎賞不置今石臞已下世矣因補
錄之以誌感

已分生涯付拍浮無端又作稻梁謀江湖滿地漁翁老何
處重尋有蟬州

畫蟬欲活走籠口畫菊有香生筆頭同時聚此兩尤物費

酒賸詩過一秋

此六七年前題繆春蒲菊蟬小
幅之作既錄前作因類及之

沈茵生同年以乾隆癸卯領解江南嘉慶己卯沈沂

曾以第二舉於鄉爲大兒同考所取士榜發來謁

始知其爲茵生子也大兒歿沈誅之哀無何沈亦

下世子聞而哭之以詩

童叢會驚氣，箭雲果然筆陣掃。千軍感恩正下師門，淚結
伴偏修地下文。豈是詞人無壽種，生及時年亦不滿四十誰教才鬼
聚秋墳。風流瞥眼都銷盡，一顧徒空冀野羣。

題王謹齋尋源問津圖

馬蹏得得逐香塵，橋外山光闕古春。欲訪仙源在何許，桃
花深處更無人。犯前人句意適相合不能避也

開圖莫便恨前塵，回首公門盡好春。時主講錦官其自題句云回首桃源是也
不寶筏靈槎憑指渡，雲程不少問津人。

題姚景彝行看子

邱樊小隱羨君充，書卷隨身萬慮空。不用編排誇壓架，醴

山羅浮館詩卷五

三

醴清味滿胸中

雲中移得老苔石，竹外分來小蕙叢。心地冰涼久無暑，輕
衫消受午餘風。

程根芝招集非晚居次秋農韻

不是他山聚異苔，歸雲成陣撥難開。要尋九九圖中趣，共
約三三徑裏來。雁序各聯如對榻，萍蹤難合漫拋杯。西川
尚滯吹簾客，憑仗雙魚破浪催。時章聽松鶴汀金芳六左泉及余與秋農皆以昆弟

同集惟主人賢季石尊遊蜀未歸

筆陣何人學鄭翩，龍鍾一隻聳吟肩。衰真甚矣詩偏健，飲
卽無何醉亦仙。撩亂主情生酒所，料量春信到梅邊。平泉

咫尺追歡易慙愧疎狂觸未前

主人有攜尊章桐門相國阜園之約

敗瓦

敗瓦不自全毀棄埋荒煙趨者躡而顛覆者忽向天久分
泥塗辱翻手誰轉旋無心若有意數在非見憐所得出所
望恩怨兩忘言

病中雜得四首

自擬歸來樂未央誰知衰狀愈荒唐飯須計箸爲增減眠
若隨更乍短長排日醫方呼僕檢連朝人事遣孫忙蔗甜
佳境纔如許只勝拋家老異鄉

已知來日苦無多顛倒心情任詆訶窗暗紙常翻背寫書

小羅浮管寧卷五

古

忙墨誤兩頭磨臨文易觸偏旁誤記日時將甲乙譌枉自
吟壇誇健將光陰容易老廉頗

諛詞到耳譽康彊具體無如用不臧縮筆總嫌成字大伸
腰猶恨舊衣長行無杖拄身疑健拜情人扶膝似僵說與
山妻寒信到細棉粗絮要新裝

頑骨無知忘小春長晴一月病三旬難求臥雪成駢術罕

遇懸壺賣藥人溼似河魚需麥鞠寒懲香藕薦茵陳

時以寒溼

利欲憑酒力渾無濟只暖衰顏不暖身

盼曉

盼曉窺窗夜幾回寒衾頻展帳頻開最愁燈焰幢幢暗纔

聽雞聲遠遠來睡足更無殘夢續牀空惜少亂書堆截長
補短眞良策何苦天將晝晷催

歎老

恩恩光景迫斜曛衰倦惟思廢見聞斷飲藥偏多用酒非
齋食久不茹葷最奇欲笑翻含淚難解伸腰反縮筋說與
少年多不信只尋老友話殷勤

柴門欲出又逡巡衰病還須強自珍靜裏卻驚聲沸耳昏
然常似夢隨身姓名怕問會來客禮數求寬乍見人且爲
兩間畱棄物藥鑪茶竈日相親

爲友人題照

公羅浮窟詩鈔卷五

五

二十七年驚遠別八千里外見歸人鬢毛雖改身仍健漫
問圖中似與眞

孤松瘦竹與盤桓物態枯榮付靜觀懷抱放開成獨酌寔
瀛不抵酒杯寬

非醉非醒意自豪浮名浮利等鴻毛苔花不掃雲根穩塵
世誰知此座高

